

TABVLA RECITATIONVM

IN

ACADEMIA LVDOVICIANA

PER SEMESTRE AESTIVVM

A DIE V. MAII

CIDIOCCCLXXXIII.

IN CHOANDARVM.

RECTOR

ACADEMIAE LVDOVICIANAE

D. CHRISTIANVS HENRICVS
SCHMID

CVM SENATV.

Quemadmodum suspecta fides historicorum Graecorum in enarrandis rebus exteris nunquam non fuit, ita testimonio eorum minime fidere possumus, quoties de hostibus eorum perpetuis, de Persis quaedam commemorarunt. Praeter odium enim inueterarum, quo in gentem flagrabant, quae tot mala Graeciae intulerat, ipsique eius libertati incertum minata erat, summus accessit patriae amor, quo omnia civium suorum gesta exaggerare, omnia aemulorum facta obscurare, carpere, deridere adigebantur. Quum vero historiam regni Persici non nisi e Graecis scriptoribus colligere possimus, historiam illorum temporum delineantibus maxima cautio adhibenda est, ne iactantia aut conuiciis Graecorum decepti sinistre iudicemus de clarissimis monarchiae ingentis principibus. Sic in descriptione primi inter Persas & Macedonas proelii fabulae potius, quam historiae simile nobis quidem videtur, legentibus, plus quam viginti millia Persarum caesa, centum & quindecim tantum Macedones occubuisse. Indignissimam vero tot & tantorum populorum duce, Xerxe, narrationem semper censuimus, quae occasione pontis, quo Graeciam inuasurus Hellepontum iungere conabatur, ab Herodoto in libro, quae Polyhymnia inscribitur, Cap. XXXIII. allata est. Postquam enim pontem illum vix perfectum tempestas violentior dissoluerat, Xerxes summo opere indignatus fertur. Quod cum audisset Xerxes (vt Herodoti verbis e versione Heresbachii utamur) iussit trecenta Helleponto verbera infligi, & in eius pelagus par compedum demitti. Iam dicitur, misisse quoque cum his etiam, qui stigmata Helleponto inuenerent, certe mandauit, vt colaphos Helleponto incuterent, dicentes barbara verba ac vesana: O aqua amara, dominus hanc tibi irrogat poenam, quod cum lacisti, qui de te nihil male meritus erat. Te tamen rex Xerxes, velis nolisue, transmittet, meritoque nemo hominum tibi sacrificet, vt dolose pariter & amaro flumini. — O stolidam & puerilem insolentiam! O vesaniam imperatore tot saraparum indignam! Etsi Xerxem inconsulte plura & arroganter egisse haud negemus, talium tamen incipiarum reum esse illum dubitamus, qui e turri Abydena immensum exercitum prospiciens eodem Herodoto teste lachrymas fudit, cum de immensae multitudinis mortalitate cogitaret. Romanis iam sublestatam visam esse Graecorum fidem notissimi testantur versus Iuuenalis Sat. X. v. 173, vbi de iis, quae de Xerxis circa montem Atho conaminibus portentose finxerunt, sic poeta iudicauit:

— Creditur olim

Velificatus Athos, & quicquid Graecia mendax
Audet in historia, cum stratum classibus idem
Suppositumque rotis solidum mare.

Atse

Atat concedamus, vere omnia *Xerxem* fecisse, quorum a Græcis accusatur, excusari tamen illa Hellepontum tractandi ratio nobis videtur primum religione veterum. Sicuti enim Deos precati votum aliquod adiacere consueverunt, quo eos quasi corrumpere conabantur, ita non auditis precebus, rebusque contra spem & opinionem cedentibus exprobare diis aedes exstructas, hostiasque mactatas, quid, quod in statuas deorum ipsas facere solebant: ita *Xerxes* tum deo matino iratus, qui tantam molem disiecerat, sibi temperare non potuit. Porro e poena, quam *Xerxes* in Oceanum statuit, minime colligere possumus, eo consilio id regem fecisse, ut dolorem quasi & vindictam mari infligeret. Verum enim vero eum in finem id factum opinamur, ut *Xerxes* coram exercitu se quasi dominum naturae gereret, animumque eius illa tempestate tanquam iræ diuino indicio fractum firmaret. Quicumque factum orientalium tyrannorum v. c. Turcicorum nouit, haud mirabitur, eos subditis persuasum cupere, quasi ipsa natura legibus eorum pareat. Pari ratione Princeps Venetorum annulum quotannis in mare Adriaticum delicere solet, non ut seria cum eo sponsalia celebret, sed ut imperium Venetorum in mare illud symbolo aliquo declaret, id quod praeclare docuit V. C. *Jagemann* in ephemeridibus: *Der reutsche Merkur*. Ast simillima prorsus actio in historia recentiore extat *Petri* illius Russorum autocratoris, quem omnes *magnum* fuisse constituentur, quique stunium fastibus (*mit der Krone*) multasse fertur. Rectissime autem auctor anonymus libelli cuiusdam Petropolitani *der Denker* iudicauit, *Petrum* id non fecisse, quia ipse crediderit, stunium dolere, sed quia Russi illius actatis id opinati sint, & quia docere voluerit illos, ne naturam quidem impune in eum peccare. — Quibus praemissis sistimus iam vobis, *aestimatissimè Commilitones*, tabulam omnius generis praelectionum locupletissimam. Sicuti nunquam fore spondemus, ut *Vos* assiduitatis in frequentandis illis poeniteat, ita nullam studii laborisque in eas impensi poenitentiam praecipitantes subitaram confidimus.

LECTIONES THEOLOGICAE.

D. IO. GEORG. ROSENMÜLLER *privatim* Theologiam dogmaticam secundum Compendium b. *Zachariae* pertractabit; Noui Testamenti interpretationem auspiciabitur, & ita instituet, ut biennio totum absoluat; historiam denique religionis & ecclesiae christianae a Christo ad Carolum M. duce cel. *Schroeckhio* recitabit. *Publice* praecepta catecheseos tradet, & cum iis exercitia catechetica coniunget.

D. IOH. GEORG. BECHTOLD Hora VII - VIII. & VIII - X. Ven. Doederlein institutionem theologi Christiani, in capitibus religionis theoreticis nostris temporibus accommodatam, cuius editio altera anno demum superiore in lucem publicam prodit, interpretabitur. Hora VIII - VIII. duce Ven. Lessio veritatem religionis Christianae demonstrabit. Hora II - III. ubi auditorum diligentia responderit, singulis diebus Mercurii & Saturni alternis vicibus collegium examinatum & disputatorium aperiet, auditorum per hebdomadem acquisitas religionis notitias magis illustraturus, firmaturus.

D. LVDOV. BENI. OUVRIER Hor. VII - VIII. & IX - X. tradet theologiam dogmaticam ad compendium Scilerianum. Hor. VIII - IX. theolog. moralem praecunte D. Lessio; Hora II - III. librum suum *Geschichte der Religionen* — & duas per hebdomadem horis, compendium suum homileticum explicabit.

IOH. CHRISTOPH. FRID. SCHVLZ hor. XI - XII. *theologiam moralem*, Ven. LESSIO duce, praecipiet *privatim*. hor. II - III. in *Augustanam Confessionem* commentabitur *publice*, filium breuiarii WALCHIANI sequenturus.

LECTIONES IURIDICAE.

D. IO. CHRISTOPH. KOCH Institutiones iuris ciuilibus ex HEINECCIO, Ius Canonicum e BOEHMERO, Ius Criminale e compendio suo tradet, Disputatorium quoque & Examinatorium offert.

D. IO. DAN. HENRICVS MVSAEVS. *Publice* hor. IV - V. *Ius Cambiale* duce libro suo, *Anfangs - Gründe des Wechselrechts*, additis iuris Mercatorum & maritimi principiis, docebit. *Privatim* Hor. VII - VIII. Ius feudale, hor. VIII - IX. Ius publicum I. R. G., Hor. XI - XII. Ius priuatum Germanicum, ducibus BOEHMERO,

MERO, PÜTTERO & SELCHOVIO tradet. Hor. III - IV. historiam Imperii R. G. SELCHOVIO praeunte narrabit. Scholas quoque *elaboratorio - practicas* volentibus aperiet.

D. HELVICVS BERNHARDVS IAVP hora IX - X. *ius publicum S. R. I.* docebit, hor. II - III. *historiam imperii* enarrabit, duce PÜTTERO. Hora X - XI. diebus Lunae & Iouis *ius priuatum principum* proponet. *Processum summorum imp. tribunalium* hora commoda tradet, ad alias quoque, quas desiderari intelliget, lectiones paratus.

D. IO. GODOFR. SIGISM. ALBR. BÜCHNER, singulis diebus mercurii *collegium disputatorium* in vsum selectissimorum auditorum *gratis* aperiet. *Priuatum* hora IX - X. & XI - XII. addita diebus mercurii & saturni hora VII - VIII. matutina, ad HELLFELDI *iurisprudentiam forensam secundum pandectarum ordinem*, omni qua par est industria commentabitur. Hora X - XI. *ius naturae & gentium* ad nouissimam editionem egregii compendii HOEPFNERIANI docebit.

LECTIONES MEDICAE.

D. IO. WILH. BAVMER, Med. Prof. primar. horis antemeridianis VIII. I. Z. Platneri artem medendi singulis morbis accommodatam, longe vsu firmatus, solide interpretabitur. VIII. Anthropologiam suam anatomico physicam, prelo typographico commissam, proponet. X. I. Z. Platneri institutiones chirurgiae rationalis, in Studioforum medicinae & Chirurgiae commodum, explicabit. XI. In A. C. Celsi libros de Medica eum in finem commentabitur, vt dogmatibus scientiae salutaris Hippocraticis Domini Commilitones imbuantur, puroque latino sermone res medicas proponere discant.

D. IO. LVD. FRID. DIETZ, Professor. Med. Ord. H. VIII - IX. Physiologiam duce Hallero, IX - X. Osteologiam & Myologiam Plenckio; X - XI. Pathologiam, generalem Ludwigio praeunte explicabit, Praelectiones in Medicinam Veterinariam desiderantibus haud deerit.

D. CAROL. WILH. CHRIST. MÜLLER, *publicis* praelectionibus plantarum indigenarum cognitionem tradet. *Priuatis* h. VII. Physicam dogmatico - experimentalem duce Becmanno h. VIII. Botanicen ad normam Phil. bot. & Syst. veg. Eq. a Linne docebit: h. III. vel alia commodiori collegium mineralogico - chemicum theoretico - practicum in vsum praecipue Oeconomiae studioforum offert. *Priuatissime* chirurgiae manualis & medicae praecepta continuabit.

LECTIONES PHILOSOPHICAE.

ANDREAS BOEHM, L. M. & M. P. P. P. Bibliothecae Acad. Praef. *Logicam* h. VII, *Metaphysicam* h. VIII. ad ductum compendiorum a se editorum; *mathesin puram* h. II. *applicatam* h. X. vel XI, prouti auditoribus commodum visum fuerit, praeunte WOLFIO; denique *architecturam militarem* priuatissime docebit; Bibliothecam vero publicam consueto tempore aperiet.

IO. CHRISTOPH. FRID. SCHVLZ LL. Or. & Graec. P. P. O. hor. X - XI. *Paulli utramque ad Corinthios* interpretabitur. hor. I - II. partem *librorum V. T.* cursorie perleget. Ead. hor. diebus Merc. & Saturn. fundamenta *linguae anglicanae* tradet.

D. CHRIST. HENR. SCHMID, Prof. Poes. & Eloqu. *Publice* Hor. II - III. *Horatii* Sermones & Epistolas illustrabit; *Priuatum* Hor. VIII - IX. Institutiones sili Latini duce Schellero, Hor. III - IV. Notitiam librorum cuius studio vtilissimorum e *Millero* tradet, ad praelectiones rhetoricas poeticasque paratissimus.

HENR.

HENR. MART. GODOFR. KOESTER. Histor. P. P. O. Hora VII - VIII. Historiam *literariam* ad Comp. Baumannianum, h. VIII - IX. Historiam *Europaeam* & h. XI - XII. Historiam *Vniuersalem*, utramque ad Comp. sua docebit; ad Praelectiones in Historiam Imperii Germanici *specialem* siue Notitiam Imp. Procerum ad Comp. suum; in *Statisticam*, ut vocant, ad Comp. Baumannianum; in *Heraldicam* ad Compend. Gattererianum, in *Philosophiam moralem* ad Comp. suum aequè paratus.

LECTIONES OECONOMICAE.

IO. AVGVSTVS SCHLETTWEIN docebit hor. matut. VII - VIII. *oeconomiam politicam*, seu *uniuersum disciplinarum cameralium complexum*; hor. VIII - IX. *oeconomiam forestalem* duce Succovio; hor. X - XI. *Ius naturae & gentium* secundum *proprium systema*, quod nunc cum publico communicatur; hor. XI - XII. *scientiam comerciorum* vel *aliam politicae oeconomiae partem specialem*, prouti auditores voluerint.

D. IO. WILH. BAVMER, histor. nat. & chemiae Prof. horis pomeridianis II. historiam suam regni mineralogici naturalem referet, ac simul naturae curiosorum oculis obiecta huc spectantia subiiciet. III. Ex Car. Linnaei systemate naturae regnum vegetabile explicabit, & Saturni diebus, quotiescunque coelum fauerint, excutiones botanicas instituet. IIII. Metallorum culturam, praecunte I. G. Lehmanno in der Einleitung zu den Bergwercks Wissenschaften, docebit, &, si Dominis Commilitonibus ita visum fuerit, in ipsis metallicolarum cuniculis ostendet.

GEORG. FRID. WERNER, principia geometriae practicae hor. antemeridiana secundum propria dictata tradet; practicis autem exercitationibus die saturni postmeridiam vacabit. Versus finem semestris artem libellandi (das Wasserwaegen) tam explicabit quam in campis exercebit. Collegium priuatissimum super nonnullis scientiis militaribus continuabit. Ad institutiones rei calculatoriae cameralis, Klipsteinio duce quoque paratus.

LECTIONES EXTRAORDINARIAE.

IOANNES CHRISTIANVS DIETZ, SS. Theol. Profess. publ. extraord. Collegium cursorium, hor. X. matutina, non neglectis tamen ebraeae linguae fundamentis, in Psalmos Davidis aperiet. Acta legatorum Christi, hora II. pomeridiana, similem in modum explicabit.

D. IOANN. WILHELM. CHRISTIAN. BAVMER, Med. Prof. Extraord. Hor. I - II. Artem obstetricandi, duce b. m. Roederer, in Elementis artis obstetricandi, tradet. Hor. II - III. Chirurgiam, duce Cl. Callissen in Institutionibus Chirurgiae hodiernae, proponet. Ad lectiones osteologicas aliasue praeterea paratus erit.

Praeter ista Generosissimis Nobilissimisque Ciuibus de luculenta *equitandi, pugnandi gladio* *salsandique* palaestra, *Gallicae* item & *Italicae* linguae scholis, per magistros eorum peritissimos, publice constitutos, abunde prospectum est.

Giffae, Ex Officina Brauniana.

